

重脩遼州志序

國有史家有乘而郡邑則有志志之

體益昉於禹貢職方而變通之舉元

世運之隆替官師之賢否風俗之淳

澆生齒之盛衰與夫物產人文躔次

疆域洪纖巨細無不畢該將以備一

方之文獻垂千秋之法戒所係非淺
淺也遠之志自勝朝神宗至康熙壬
子六十年而一脩迄今又六十年矣
予承乏茲郡每思夙夜黽勉仰答

聖天子特達之遇甫下車卽循朱考亭夫
子南康故事訪求郡志見夫六十年

來風景不殊山川如故而民安物阜
戶口滋生人才鵲起大倍於昔倘缺
而不志後之人何所考以見

國家之盛乎會因代庖鄰境刻無寧晷
濡遲者久之今年春乃得進鄉先生
進士劉澐孝廉馬永壽張維桀趙傑

劉師孔諸生孫慶年李文灝等共襄
厥事參互考訂博採旁搜不數月而
告成其義例一本舊志而缺者補之
繁者汰之語不雅馴者潤色之人物
列女科名職官繼起者增入之雖文
采煥然不敢與徐天池之紹興府志

康對山之武功縣志爭烈以之備文
獻而垂法戒未必無小補焉倘由此
踵事增華漸次續補不復遲至六十
餘年之久使人有湮沒荒遠之嘆不
更有厚望乎予故表而出之以告後
之修遼志者抑予觀是志所載有足

幸者有足慮者風淳俗樸士讀農耕
僻壤偏隅無衝煩供億之苦此足幸
者也葛屨沮洳儉嗇褊急苦寒薄收
包荒滋累此足慮者也使閭閻是志者
果能講求利與銳意興除廸禮樂而
化喬野務保障而絕繭絲保其足幸

而去其足累他日輶車博訪猷諸

天子卽以是志作風俗之書竊附於禹貢
職方之末亦無不可是則予修志之
初心而治遠之隱願也予又表而出
之以告後之爲遠牧者

皇清雍正十一年歲在癸丑月在姑洗奉

直大夫遼州牧大興徐三俊謹撰

遼州志 舊序

孫毓英

三晉多良史材董狐氏以直筆擅名當世卽當國秉
成忠如宣孟猶蔽以惡逆宣言於朝不少遜避至今
稱信史者咸倭譚之不衰今之志古史氏之遺也志
疆域則思守禦志蒼赤則思保釐志賦役則思軫恤
他如官常之可否政治之得失則因革損益之是訂
焉其關係治道民風匪細遼志之纂自伊川楊君博
興路君攷訂之雲夢鍾君續成之次第脩葺彙而成
書旣已燦然至矣備矣余焉敢贅第余遼人也生於

斯長於斯其於遼事固已耳而目之可默無言晉自唐虞首善培養淳醇民淳俗樸彬彬古風歷千禩而不滲故三晉較他省獨稱樸雅而遼爲最蓋遼居萬山溪谷中紆迴曲折袤延百里商賈所不通舟車所不至民生於斯能方而不能圓能直而不能飭能樵魯而不能僂巧能纖嗇而不能奢華宦遊則砥節實心實政最著士風則砥脩篤信篤行最著以至擇地而蹈非公正不托足太古無論國初時司馬高君抱忠赤之膽逆靖難之師其英風勁節直冠兩河而論

者謂遼如未冶之金未雕之璞民不習僞雅道尚有
風氣固殊焉邇來天厲不戒水旱頻仍兼以梟獍之
未寧鷹鷂之四出也民財則旣匱矣民力則旣竭矣
民俗則漸漓矣士君子撫時傷事不無今昔之感有
司民之責者念切民瘼嘉惠黎元不務繭絲而保障
之俾凋敝財力終歸殷阜澆薄習俗終近淳龐則遼
唐虞古風直歷千禩而不灔而三四君數十年後先
拮据以成斯志者庶其不虛已乎是爲叙

萬曆三十一年歲次癸卯仲春之吉

遼州志 舊序

知州 楊天錫

三晉背臨朔易表裏山河爲

神京股肱地其習憂勤其俗渾樸有陶唐氏之遺風焉遼
處省治之東居太行絕頂山勢逶迤土力綿薄民生
其間黍稷種種惟因地宜雨暘時若又在天時且水
不載舟陸難行車商賈鮮通止事耕鑿又氣候先寒
臨秋而霜入冬而雪稱苦瘠者所爲屈指然漳水環
流太行擬峙人才爲山川之鍾靈者往往間出載在
往冊詢之故老可考知也第遼志自故明萬曆之三

十一年至我

朝今日缺而不修計六十餘載矣使因循仍闕不但風俗之正滯土地之肥瘠不可見卽在昔賢臣孝子節婦之芳徽遺事亦將與草木同腐矣前事不忘後事之師自我

朝定鼎以來士沐菁莪之化民親樂利之休三十年來文教益興生齒益聚禹甸之內復見堯天舜日之盛山川疆域物產地利其足備太史之採風而爲

當寧獻者可漫焉勿講乎余不敏承乏茲上見郡志散失

甚屬缺典以下車未久纂修鉅舉又未可卽鹵莽從事殆未嘗不日璽於懷也壬子歲冬上承憲檄布

聖天子允端揆之請命郡縣修葺志書修前文之旣廢成今日之

盛典適遭其會矣爰與學博薄君言震鄉先生侯君維泰王君應劉君永昌庠士秦子容孫子璵王子毓奇韓子大儒馬子上斌孫子琰侯子啟泰劉子永裕佐聖王子明德趙子翊李子若沆陳子毅自故明萬曆之三十二年及我

朝康熙之十二年計六十餘年之事博採老成廣諮輿論
訂訛存真補遺脩缺逮及六旬集成全志今昔數十
年間田賦人才土宜風俗昭昭可考在昔者不致殘
缺無文後此者幸其作述有繼庶幾爲遼郡不朽盛
事云至於覽形勝而知險隘之所扼稽察貴嚴也閱
戶口而知生聚之有期愛養貴力也覩土田而知蒿
萊之必闢勞來貴善也且創述一時規序固列眉而
指掌求茲百世後先當紀日以編年實端於後之同
志是賴

時

皇清康熙十二年歲次癸丑花月既望之吉